

Lars Bjørn Lygre
Lurevegen 1498
5912 Seim

Arkeologisk registrering - Landbruksveg – gnr. 58 bnr. 7 - Alver kommune

Vi viser til søknad datert 21.10.20 Vedrørende bygging av landbruksveg på Lygra indre, gnr. 58, bnr 7 i Alver kommune. I vårt brev datert 09.11.20 melde vi at det var trong for å gjere ei synfaring i saka. Arkeologar frå Vestland fylkeskommune gjorde ei synfaring 21.12.20. I brev til kommunen datert 12.01.21 sende vi ut varsel om arkeologisk registrering til kommunen. Alver kommune informerte fylkeskommunen om at tiltakshavar ynskjer å gå vidare i saka i e-post mottatt 06.04.21.

Det er frå før kjent eit automatisk freda kulturminne nær den planlagde traséen, ein gravhaug med Askeladden id. 45456. I tillegg ligg Lygra kyrkjestad og eit anna gravminne (Askeladden id 45455) i nærområdet. Dei indikerer at det er potensiale for å gjere funn av automatisk freda kulturminne i området. Dette kan til dømes vere førhistoriske graver med eller utan overflatemarkering, busetnadsspor, dyrkingsspor, eller anna.

Etter ei vurdering av terreng- og undergrunnstilhøve på staden, er det naudsynt å gjere ei arkeologisk registrering for å avklare om det finst bevarte førhistoriske strukturar i grunnen i og ved den omsøkte vegtraséen. Arkeologisk registrering er heimla i §§ 3 og 11 i kulturminnelova.

Registreringa vil føregå som maskinell fleteavdekking, som er ein metode til å påvise automatisk freda kulturminne i noverande og tidlegare dyrka mark. Åkerjorda vert lagt til sides og ein går lagvis ned til undergrunnen. Det er i undergrunnen vi finn dei minst uforstyrra laga som har potensiale for funn av førhistoriske spor. Søkesjaktene som blir opna med gravemaskin er i kring 2-3 m breidde og varierende lengde. Lengda vil variere etter undergrunnstilhøve, mikrotopografi og praktiske høve. Arbeidsomfanget i felt er estimert til 2-3 arbeidsdagar.

Etter feltarbeidet blir resultata frå registreringa systematisert og samanfatta i ein rapport. Søkjar kan få tilsend rapporten i etterkant dersom det er ønskeleg.

Dette er eit mindre privat tiltak, og difor dekkjer Vestland fylkeskommune kostnadene ved den arkeologiske registreringa.

Arbeidet i felt vil verta gjort så snart det er mogleg.

Registreringa må gjennomførast på snø- og telefri mark og når dei klimatiske forholda elles gjer det mogleg. Feltsesongen vår er normalt frå april til november. De blir kontakta i forkant av registreringa.

Vestland fylkeskommune viser til at spørsmål ved om kor vidt tiltaket kjem i konflikt med automatisk freda kulturminne må vera avklart før tiltaket kan realiserast. Kommunen kan ikkje fatte vedtak før den arkeologiske registreringa er gjennomført og Vestland fylkeskommune har gjeve endeleg kultminnefagleg fråsegn.

Med helsing

Karoline Hareide Breivik
fagleiar

Sigrun Wølstad
seniorrådgjevar

Brevet er elektronisk godkjent og har difor inga handskriven underskrift

Kopi til:
ALVER KOMMUNE Postboks 4